



唐皮從事倡訓詩卷第六

唐皮日休襲美著

明許自昌玄祐校

七言八句

吳中書事寄漢南裴尚書

萬家無事鑲蘭橈鄉味腥多厭紫薑

江文通集云紫薑石劫也

水

似棋文交度郭柳如行障儼遮橋青梅蒂重初迎雨
白鳥羣高欲避潮唯望舊知憐此意得為傖鬼也逍
遙

夏景冲澹偶然作二首

祗隈蒲褥岸烏紗味道澄懷景便斜紅印寄泉慙郡
守青筐與笋愧僧家茗爐盡日燒松子書按經時剥
瓦花園吏暫棲君莫笑不妨猶更著南華

一室無喧事事幽還如貞白在高樓天台畫得千廻
看湖日芳來百度游湖日百蓮子也無限世機吟處息幾多
身計釣前休他年謁帝言何事請贈劉伶作醉侯

送李明府之任南海

五羊城在蜃樓邊墨綬垂腰正少年山靜不應聞屈
鳥草深從使翳貪泉蟹奴睛上臨潮檻燕婢秋隨過
海船一事與君消遠宦乳蕉花發訟庭前

寄題羅浮軒轅先生所居

亂峰四百三十二羅浮山欲問徵君何處尋紅翠山鳥
名數聲瑤室響山有璇房瑤室七十有二真檀一炷石樓深山都

遺負沽來酒樵客容看化後金從此謁師知不遠求
官先有葛洪心

宿報恩寺水閣

寺鎖雙峰寂不開幽人中夜獨徘徊池文帶月鋪金

簞蓮朶含風動玉杯
徃徃竹梢搖翡翠時
時杉子擲莓苔可憐
此際誰曾見唯有支
公盡看來

醉中偶作呈魯望

谿雲澗鳥本吾儕
剛爲浮名事事乖
十里尋山爲思役
五更看月是情差
分將吟咏萃雙鬢
力以壺觴固百骸
爭得草堂同卧去
共君同作太常齋

寄滑州李副使員外

兵繞臨淮數十重
鐵衣才子正從公
軍前草奏旄頭下
城上封書箭箠中
圍合只應聞曉雁
血腥何處避春風
故人勲重金章貴
猶在江湖積劔功

傷史拱山人

一緘幽信自襄陽
上報先生去歲亡
山客爲醫翻貫藥
野僧因弔卻焚香
峰頭孤冢爲雲穴
松下靈筵是石牀
宗炳死來君又去
終身不復到柴桑

吳中言懷寄南海二同年

曲水分飛歲已賒
東南爲客各天涯
退公祗傍蘇勞竹
移宴多隨末利花
銅鼓夜敲溪上月
布帆晴照海邊霞
二年謾被鱸魚累
不得橫經侍絳紗

奉和白鷗詩

雪羽襜褕半惹泥海雲深處舊巢迷池無飛浪爭教
舞洲少輕沙若遣棲烟外失羣慙雁鷺波中得志羨
鳧鷖主人恩重真難遇莫爲心孤憶舊溪

奉和魯望懷楊台文楊鼎文二秀才

羊曇畱我昔經春各以篇章鬪五雲賓草每容閒處
見擊琴多任醉中間釣前青翰交加倚醉後紅魚取
次分爲說風標曾入夢上仙初著翠霞裙

友人以人參見惠因以詩謝之

神草延年出道家

神草
別名

是誰披露記三桺開時的定

涵雲液斲後還應帶石花名士寄來消酒渴野人煎
處撒泉華從今湯劑如相續不用金山焙上茶

傷進士嚴子重詩

并序

余爲童在鄉校時簡上抄杜舍人牧之集見有與進
士嚴暉詩後至吳一日有客曰嚴某余志其名久矣
遽懷文見造於是樂得禮而觀之其所爲工於七字
往往有清便柔媚時可軼駭於常軌其佳者曰春光
冉冉歸何處更向花前把一杯盡日問花花不語爲

誰零落爲誰開余美之諷而未嘗怠生舉進士亦十
餘計偕余方寃之謂乎竟有得於時也未幾歸吳興
後兩月咸通十一年也雪人至云生以疾亡於所居矣噫生
徒以詞聞於士大夫竟不名而逝豈止此而堙沒邪
江湖間多美利士君子苟樂退而有文者死無不爲
時惜可勝言耶於是哭而爲詩魯望生之友也當爲
我同作

十哭都門榜上塵蓋棺終是五湖人生前有敵唯丹
桂沒後無家祇白蘋箬下漸新醒處月江南依舊詠

來春知君清爽應無盡必在鄴都頌帝晨

梁成鄴都官頌紂絕

標帝晨

奉和早秋吳體次韻

書淫傳癖窮欲死詭詭何必頻相仍日乾陰蘚厚堪
剥藤把歌松牢似繩搗藥香侵白袷袖穿雲潤破烏
紗稜安得瑤池飲殘酒半醉騎下垂天鵬

奉和秋賦有期次韻

十載江湖盡是閒客兒詩句滿人間郡侯聞譽親邀
得鄉老知名不放還應帶瓦花經汙水更攜雲實出

包山太微宮裏環岡樹無限瑤枝待爾攀

奉和病中秋懷次韻

貧病於君亦太兼才高應亦被王嫌因分鶴料家資減
爲置僧餐口數添靜裏改詩空凭几寒中注易不
開簾清詞一一侵真宰甘取窮愁不用占

新秋卽事三首

癡號多於顧愷之更無餘事可從知酒坊吏到常先
見鶴料符來每探支吳郡有
崔料案涼後每謀清月社晚來
專赴白蓮期共君無事堪相賀又到金鑿玉餽時

堪笑高陽病酒徒幅巾瀟灑在東吳秋期淨掃雲根
瘦山信迴緘乳管麤白月半窓抄术序清泉一器授
芝圖乞求待得西風起盡去聲挽烟帆入太湖

露槿風杉滿曲除高秋無事似雲廬醉多已任家人
厭病久還甘吏道疎青桂巾箱時寄藥白綸臥具半
拋書君卿脣舌非吾事且向江南問鰈魚

南陽潤卿將歸雷平因而有贈

借問山中許道士此迴歸去復何如竹屏風扇抄遺
事柘步輿竿繫隱書絳樹實多分紫鹿丹沙泉淺種

紅魚東卿旄節看看至靜啟茅齋慎掃除

訪寂上人相遇

何處尋雲暫廢禪客來還寄草堂眠桂寒自落翻經
案石冷空消洗鉢泉爐裏尚飄殘玉篆龕中仍鑲小
金仙須將二百籤迴去得得支公恐隔年

顧道士亡弟子以束帛乞銘于余魯望因賦

戲贈日休奉和

師去東華卻鍊形門人求我誌金庭大椿枯後新爲

記仙鶴亡來始有銘

前朝文集未
有道士銘誌

瓊板欲刊知不朽

冰紈將受恐通靈君才莫歎無茲分合注神玄劍解
經

秋夕文宴

得遙字

啼螿衰葉共蕭蕭文宴無喧夜轉遙高韻最宜題雪
讚逸才偏稱和雲謠風吹翠蠟應難刻月照清香太
易消無限玄言一杯酒可能容得蓋寬饒

南陽廣文欲于荆襄卜居因而有贈

地脉從來是福鄉廣文高致更無雙青精飯熟雲侵
竈白紵裘成雪濺窓度日竹書千萬字經冬木煎兩

三缺鱸魚自是君家味莫背松江憶漢江

寄毘陵魏處士朴

文籍先生不肯官絮巾衝雪把魚竿一堆方冊爲侯
印三級幽巖是將壇醉少最因吟月冷瘦多偏爲臥
雲寒兔皮衾暖篷舟穩欲共誰遊七里灘

初冬偶作寄南陽潤卿

寓居無事入清冬雖設樽罍酒半空白菊爲霜翻帶
紫蒼苔因雨卻成紅迎潮預遣收魚笱防雪先教葢
鶴籠唯待支硯最寒夜共君披氅訪林公

冬曉章上人院

山堂冬曉寂無聞一旬清言憶領軍琥珀珠粘行處
雪櫻欄帚埽臥來雲松扉欲啟如鳴鶴石鼎初煎若
聚蚊不是戀師歸去晚陸機茸內足毛羣

寄題鏡巖周尊師所居

并序

處州仙都山山之半有洞口下望之如鑑目之曰鏡
巖下去地二百尺上者以竹梯爲級中如方丈內有
乳水滴瀝嵌罅罅黃老徒周君景復居焉迨八十年不
食乎粟日唯焚降真香一炷讀靈寶度人經而已東

牟段公柯昔爲州日聞其名梯其室以造之且曰君
居此久矣乳水之滴晝夜可知量乎周君曰某常揣
之盡晝與夜一斛加半焉公異而禮之後柯別十二
年日休至吳處人過說周君尚存吟想其道無由以
覩因寄題是詩云
八十餘年住鏡巖鹿皮巾下雪髟髟牀寒不奈雲縈
枕經潤何妨乳滴函飲澗猿迴窺絕洞綠梯人歇倚
危杉如何計吏窮於鳥欲望仙都舉一帆

寒夜文晏

得泉字

分明競襲七香牋王朗風姿盡列仙盈篋共開華頂
藥滿餅同圻惠山泉蟹因霜重金膏溢橘爲風多玉
腦鮮吟罷不知詩首數隔林明月過中天

庚寅歲十一月新羅弘惠上人與本國同書

請日休爲靈鷲山周禪師碑將還以詩送
之

三十麻衣弄渚禽豈知名字徹鷄林勒銘雖卽多遺
草越海還能抵萬金鯨鬣曉掀峯正燒鰲晴夜沒島
還陰二千餘字終天別東望辰韓淚灑襟

送潤卿博士還華陽

雪打蓬舟離酒旗華陽居士半酣歸逍遙只恐逢雲
將恬澹真應降月妃仙市鹿胎如錦嫩陰宮燕肉似
蘇肥公車草合蒲輪壞爭不教他白日飛

寒日書齋卽事二首

參佐三閭似草堂恬然無事可成忙移時寂歷燒松
子盡日殷勤拂乳牀將近道齋先衣褐欲清詩思更
焚香空庭好待中宵月獨禮星辰學步綱

不知何事有生涯皮褐親裁學道家深夜數甌唯柏
葉清晨一器是雲華盆池有鷺窺蘋沫石板無人掃
桂花江漢欲歸應未得夜來頻夢赤城霞

方朔家貧未有車肯從榮利捨樵漁從公未怪多侵
酒見客唯求轉借書暫聽松風生意足偶看溪月世
情疎如鉤得貴非吾事合向煙波爲五魚

松江有五魚

臘後送內大德從勗遊天台

講散重雲下九天大君恩賜許隨緣霜中一鉢無辭
乞湖上孤舟不廢禪夢入瓊樓寒有月

天台山有金庭不死之鄉

及瓊樓玉室

行過石樹凍無烟

案消山有石樓樹吳大皇元年郡吏伍曜於海際得

之枝莖紫色有光南
越謂之石連理也

他時瓜鏡知何用吳越風光滿

御筵

寄題玉霄峰葉涵象尊師所居

青冥向上玉霄峰元始先生戴紫蓉曉案瓊文光洞
壑夜壇香氣惹杉松間迎仙客來爲鶴靜喫靈符去
是龍子細捫心無偃骨欲隨師去肯相容

奉和魯望寄南陽廣文次韻

春彩融融釋凍塘日精間嚙坐巖房瓊函靜故從猿
覩金液初開與鶴嘗八會舊文多搭寫七真遺語剩

思量不知夢到爲何處紅藥滿山烟月香

題支山南峰僧

雲侵壞衲重隈肩不下南峰不記年池裏羣魚曾受
戒林間孤鶴欲參禪鷄頭竹上開危徑鴨腳花中櫛
廢泉無限吳都堪賞事何如來此看師眠

送董少卿游茅山

名卿風度足杓斜一舸間尋二許家天影曉通金井
水山靄深護玉門沙空壇禮後銷香母陰洞綠時觸
乳花盡待于公作廷尉

卿嘗爲大理用法有廉平之稱

不須從此便

餐霞

訓魯望見迎綠剡次韻

輕裁鴨綠任金刀不怕西風斷野蒿
訓贈既無青玉案纖華猶欠赤霜袍
烟披怪石難同逸竹映仙禽未勝高
成後料君無別事只應酣飲詠離騷

寄懷南陽潤卿

鹿門山下捕魚郎今向江南作渴羌
無事只陪看藕樣有錢唯欲買湖光
醉來渾忘移花處病起空聞焙藥香
何事對君猶有愧一蓬衝雪返華陽

魯望憫承吉之孤爲詩序邀予屬和欲用予
道振其孤而利之噫承吉之困身後乎魯
望視予困與承吉生將孰若哉未有已困
而能振人者然抑爲之辭用塞良友之意
先生清骨葬煙霞業破孤存孰爲嗟
幾篋詩編分貴位一林石笋散豪家
兒過舊宅啼楓影姬繞荒田泣稗花
唯我共君堪便戒莫將文譽作生涯

寄潤卿博士

高眠可爲要玄纁鵲尾金爐一世焚

陶貞白有金鵲尾香爐

塵

外鄉人爲許椽山中地主是茅君將收芝菌唯防雪
欲曬圖書不奈雲若使華陽終臥去漢家封禪用誰
文

奉和白菊

已過重陽半月天琅華千點照寒烟藥香亦似浮金
靨花樣還如鏤玉錢玩影馮妃堪比艷鍊形蕭史好
爭妍無由擲向牙箱裏飛上方諸贈列仙

華亭鶴聞之舊矣及來吳中以錢半千得一
隻養之殆經歲不幸爲飲啄所誤經夕而

卒悼之不已遂繼以詩南陽潤卿博士浙
東德師侍御毘陵魏不琢處士東吳陸魯
望秀才及厚於予者悉寄之請垂見和

池上低摧病不行誰教仙魄反層城陰苔尚有前朝
跡皎月新無昨夜聲菰米正殘三日料筠籠休礙九
霄程不知此恨何時盡遇着雲泉卽愴情

傷開元觀顧道士

協晨宮上啟金扉詔使先生坐蛻歸鶴有一聲應是
哭丹無餘粒恐潛飛煙淒玉笥封雲篆月慘琪花葬

羽衣腸斷雷平舊游處五芝無影草微微

醉中卽席贈潤卿博士

適越遊吳一散仙銀鉗玉柄兩條然茅山頂上攜書
簾笠澤心中樣酒船桐木布温吟倦後桃花飯熟醉
醒前謝安四十餘方起猶自高閒得數年

偶留羊振文先輩及一二文友小飲日休以

眼病初平不敢飲酒遣侍密歡因成四韻

謝莊初起恰花晴強侍紅筵不避觥久斷杯盃萃蓋
喜忽聞歌吹谷神驚襪襪正重新開柳咕囁難通乍

轉鴛猶有僧屐多蜜炬不辭相伴到天明

奉送浙東德師侍御罷府西歸

建安才子太微仙暫上金臺許二年形影欲歸温室
樹夢魂猶傍越溪蓮空將海月爲京信尚使樵風送
酒船從此受恩知有處免爲傖鬼恨吳天

送羊振文先輩往桂陽歸覲

桂陽新命下彤墀彩服行當欲雪時登第已聞傳禰

賦問安猶聽講韓詩竹人臨水迎符節

曹昆湘中賦云箕管食人

風母穿雲避信旗

桂陽山中有風母獸擊殺見風輒活

無限湘中悼騷

恨憑君此去謝江離

楮家林亭

廣亭遙對舊娃宮竹島蘿溪委曲通茂苑樓臺低檻外太湖魚鳥徹池中蕭疎桂影移茶具狼籍蘋花上釣筒爭得共君來此住便披鶴氅對清風

送圓載上人歸日本國

講殿談餘著賜衣椰帆卻返舊禪扉貝多紙上經文動如意餅中佛爪飛颺母影邊持戒宿波神宮裏受齋歸家山到日將何入白象新秋十二圍

重送

雲濤萬里最東頭射馬臺深玉署秋射馬臺即今玉城也無限屬城為輟國幾多分界是宣州州在會稽海外傳是徐福之裔取經海底開龍藏誦呪空中散蜃樓不奈此時貧且病乘桴直欲伴師游

潤卿遺青飀飯兼之一絕聊用答謝

傳得三元飀飯名大宛聞說有仙卿案西梁子文撰黃錦青書十通

其二傳大宛北谷子自號青精先生分泉過屋春青稻此飯以青龍稻為之拂霧

影衣折紫莖南稻莖微紫色蒸處不教雙鶴見服來唯怕五

雲生草堂上坐無飢色時把金津漱一聲

唐皮從事倡訓詩卷第七

唐皮日休襲美著

明許自昌玄祐校

七言絕句

春日陪崔諫議櫻桃園宴

萬樹香飄水麝風蠟燭花雪盡成紅夜深歡態狀不

得醉客圖開明月中

衛協畫
醉客圖

松江早春

松陵清淨雪消初見底新安恐未如穩凭船舷無一

事分明數得鱸殘魚

女墳湖

卽吳王葬女之所

萬貴千奢已寂寥可憐幽憤爲誰嬌須知韓重相思骨直在芙蓉向下消

泰伯廟

一廟爭祠兩讓君幾千年後轉清氛當時盡解稱高義誰敢教他莽卓聞

宿木蘭院

木蘭院裏雙棲鶴長被金鉦聒不眠今夜宿來還似爾到明無計夢雲泉

重題薔薇

濃似猩猩初染素輕於燕燕欲凌空可憐細麗難勝日照得深紅作淺紅

春日酒醒

四絃纔罷醉蠻奴鄙醜餘香在翠爐夜半醒來紅蠟短一枝寒淚作珊瑚

青門閒泛

青翰虛徐夏思清愁烟漠漠荇花平醉來欲把田田

葉盡暴當時醒酒鯖

木蘭後池三詠

重臺蓮花

歆紅矮娟力難任每葉頭邊半米金
可得教他水妃見兩重元是一重心

浮萍

嫩似金脂颺似烟多情渾欲擁紅蓮
明朝擬附南風信寄與湘妃作翠鈿

白蓮

但恐醞酬難並潔祇應蒼蔔可齊香
半垂金粉知何似靜婉臨溪照額黃

重題後池

細雨闌珊眠鷺覺鈿波悠樣並鴛嬌
適來會得荆王意祇爲蓮莖重細腰

庭中初植松桂魯望偶題奉和次韻

毵毵綠髮垂輕露獵獵丹華動細風
恰似青童君欲會儼然相向立庭中

魯望戲題書印囊奉和次韻

金篆方圓一寸餘可憐銀艾未思渠不知夫子將心
印印破人間萬卷書

館娃宮懷古五絕

綺閣飄香下太湖亂兵侵曉上姑蘇越王大有堪羞
處祇把西施賺得吳

鄭姐無言下王墀夜來飛箭滿梁恩越王定指高臺
笑卻見當時金鏤楣

半夜娃宮作戰場血腥猶作宴時香西施不及燒殘
蠟猶爲君王泣數行

素襪雖遮未掩羞越兵猶怕伍員頭吳王恨魄今如
在只合西施瀨上游

響屨廊中金玉步采蘋山上綺羅身不知水葬今何
處溪月彎彎欲效顰

虎丘寺西小溪間汎三絕

鼓子花明白石岸桃枝竹覆翠嵐溪分明似對天台
洞應厭頑仙不肯迷

絕壑祇憐白羽傲窮溪唯覺錦鱗癡更深尚有通樵
處或是秦人未可知

高下不驚紅翡翠淺深還礙白薔薇船頭繫個松根
上欲待逢仙不擬歸

天竺寺八月十五日夜桂子

玉顆珊珊下月輪殿前拾得露華新至今不會天中
事應是嫦娥擲與人

釣侶二章

起眠無事避風濤一斗霜鱗換濁醪吳中賣魚論斗驚怪兒
童呼不得盡衝烟雨漉車螯

嚴陵灘勢似雲崩釣具歸來放石層烟浪濺篷寒不

睡更將枯蚌點漁燈

寄同年韋校書

二年疎放飽江潭水物山容盡足耽唯有故人憐未
替欲封乾鱸寄終南

初冬偶作

豹皮茵下百餘錢劉墮間沽盡醉眠酒病校來無一
事鶴亡松老似經年

醉中寄魯望一壺并一絕

門巷寥寥空紫苔先生應渴解醒杯醉中不得親相

倚故遣青州從事來

更次來韻寄魯望

蕭蕭紅葉擲蒼苔
玄晏先生欠一杯
從此問君還酒
債顏延之送幾錢來

重玄寺雙矮檜

撲地枝徊是翠鈿
碧絲籠細不成眠
應如天竺難陀
寺一對狻猊相枕眠

奉訓魯望醉中戲贈

秦吳風俗昔難同
唯有才情事事通
剛戀水雲歸不
得前身應是太湖公

臯橋

臯橋依舊綠楊中間里
猶生隱士風
唯我到來居上
館不知何道勝梁鴻

軍事院霜菊盛開因書一絕寄上諫議

金華千點曉霜凝
獨對壺觴又不能
已過重陽三十
日至今猶自待王弘

悼鶴

莫怪朝來淚滿衣
墮毛有傍水花飛
遼東舊事今千

古卻向人間塋令威

醉中先起李穀戲贈走筆奉酬

麝烟冉冉生銀兔
蠟淚漣漣滴繡闈
舞袖莫欺先醉去
醒來還解驗金泥

奉和魯望招潤卿博士辭以道侶將至之作

麁木樽前地肺圖
爲君偏輟俗功夫
靈真散盡光來此
莫戀安妃在後無

奉和再招

飈御已應歸杳
聊博山猶自對氛氲
不知入夜能來

否紅蠟先教刻五分

酒病偶作

鬱林步障晝遮明
一炷濃香養病醒
何事晚來還欲飲
隔牆聞賣蛤蜊聲

潤卿魯望寒夜見訪各惜其志遂成一絕

世外爲交不是親
醉吟俱岸白綸巾
風清月白更三點
未放華陽鶴上人

奉和玩金鷄鷓戲贈

鏤羽彫毛迥出羣
溫磨飄出麝臍薰
夜來曾吐紅茵

畔猶似溪邊睡不聞

友人許惠酒以詩徵之

野客蕭然訪我家霜殘白菊兩三花子山病起無餘

事只望蒲臺酒一車

庾信集云蒲州刺史中山公許酒一車未送

寒夜文讌潤卿有期不至

草堂虛灑待高真不意清齋避世塵料得焚香無別
事存心應降月夫人

唐皮從事倡訓詩卷第七

唐皮從事倡訓詩卷第八

唐皮日皮襲美著

明許自昌玄祐校

雜體詩

雜體詩序

案舜典帝曰夔命汝典樂教胄子詩言志歌永言在
焉周禮太師之職掌教六詩諷賦既興風雅互作雜
體遂生焉後繫之於樂府蓋典樂之職也在漢代李
延年為協律造新聲雅道雖缺樂府乃盛鏡歌鼓吹

拂舞予俞因斯而興詞之體不得不因時而易也古樂書論之甚詳今不能備載載其他見者案漢武集元封三年作柏梁臺詔羣臣二千石有能爲七言詩者乃得上坐帝曰日月星辰和四時梁王曰驂駕駟馬從梁來由是聯句興焉孔融詩曰漁父屈節水潛匿方作郡姓名字離合也由是離合興焉晉傅咸有廻文反覆詩二首云反覆其文者以示憂心展轉也悠悠遠邁獨晃晃是也由是反覆興焉晉溫嶠有廻文虛言詩云寧神靜泊損有崇亡由是廻文興焉梁武帝云後牖有朽柳沈約云偏眠船舷邊由是疊韻興焉詩云蟋蟀在東又曰鴛鴦在梁由是雙聲興焉詩云維南有箕不可以播揚維北有斗不可以挹酒漿近乎戲也古詩或爲之蓋風俗之言也古有採詩官命之曰風人圍棋燒敗襖看子故依然由是風人之作興焉梁書云昭明善賦短韻吳均善壓強韻今亦効而爲之存於編中陸生與予各有是爲凡八十六首至如四聲詩三字離合全篇雙聲疊韻之作悉陸生所爲又足見其多能也案齊竟陵王郡縣詩曰

追芳承荔浦揖道信雲丘縣名由是興焉按梁元藥
名詩曰戍客恒山下當思衣錦歸藥名由是興焉陸
與予亦有是作至如鮑昭之建除沈炯之六甲十二
屬梁簡文之卦名陸惠曉之百姓梁元帝之鳥名龜
兆蔡黃門之口字古兩頭纖纖藁砧五雜組已降非
不能也皆鄙而不爲噫由古至律由律至雜詩之道
盡乎此也近代作雜體唯劉賓客集中有廻文離合
雙聲疊韻如聯句則莫若孟東野與韓文公之多他
集罕見足知爲之之難也陸與予竊慕其爲人遂合
已作爲雜體一卷囑余序雜體之始云

苦雨雜言寄魯望

吳中十日泔泔雨歎蒸庠下豪家苦可憐臨頓陸先
生獨自翛然守環堵兒飢僕病漏空厨無人肯典破
衣裾蠹羸時時上几案鼃黽往往跳琴書桃花米斗
半百錢枯荒濕壞炊不然兩牀苮席一素几仰臥高
聲吟太玄知君志氣如鐵石甌冶雖神銷不得乃知
苦雨不復侵枉費畢星無限力鹿門人作州從事周
章似鼠唯知醉府金廩粟虛請來憶著先生便知愧

愧多饋少真徒然相見唯知攜酒錢豪華滿眼語不
信不如直上天公牋天公牋方修次且榜鳴篷來一
醉

奉和齊梁怨別次韻

芙蓉泣恨紅鉛落一朵別時烟似幕鴛鴦剛解惱離
心夜夜飛來棹邊泊

奉和曉起廻文

孤煙曉起初原曲碎樹微分半浪中湖後釣筒移夜
雨竹傍眠几側晨風圖梅帶潤輕霑墨畫蘚經蒸半
失紅無事有杯持永日共君唯好隱墻東

奉詔夏日四聲四首

平聲

塘平芙蓉低庭間梧桐高清煙埋陽烏藍空合秋毫
冠傾慵移簪杯乾將餽糟條然非隨時夫君真吾曹

平上聲

溝渠通疎荷浦嶼隱淺篠舟閒攢輕蘋漿動起靜鳥
陰稀餘乘閒縷盡晚蠶小吾徒當斯時此道可以了

平去聲

借詩言
卷八
四
怡神時高吟快意乍四顧村深啼愁鶻浪霽醒睡鷺
書疲行終朝單困臥至暮吁嗟當今交暫貴便異路
平入聲

先生何違時一室習寂歷松聲將飄堂岳色欲壓席
彈琴奔玄雲斲藥折白石如教題君詩若得札玉冊
苦雨中又作四聲詩寄魯望

平聲

泠泠將經旬昏昏空迷天鷓鴣成羣嬉芙蓉相隈眠
魚通蓑衣城帆過菱花田秋收吾無望悲之真徒然

平上聲

河平州橋危壘晚水鳥上衝崖搜松根點沼寫茨響
舟輕通縈紆棧墮阻指掌攜橈將尋君渚滿坐可往
平去聲

狂霖昏悲吟瘦桂對病臥簷虛能影斜舍蠹易漏破
宵愁將琴攻書悶用睡過堆書仍傾觴富貴未換箇
平入聲

羈棲愁霖中缺宅屋木惡荷傾還驚魚竹滴復觸鶴
閒僧千聲琴宿客一笈藥悠然思夫君忽憶蠟屐著

仙詩言 卷八 五
奉和疊韻雙聲二首

疊韻山中吟

穿烟泉潺湲觸竹犢殼殼荒篁香墻匡熟鹿伏屋曲
雙聲溪上思

踈杉低通灘冷鷺立亂浪草彩欲夷猶雲容空澹蕩
奉和疊韻吳宮詞二首

侵深尋嶽岑勢厲衛睥睨荒王將鄉亡細麗蔽袂逝
其二

朽楮替製曳康莊傷荒涼主虜部伍苦媿亡房廊香
奉和閒居雜題五首

晚秋吟

東臯烟雨歸耕日免去玄剋手刈禾火滿酒爐詩在
口今人無計奈儂何

好詩景

青盤香露傾荷女子墨風流更不言寺寺雲蘿堪度
日京塵到死撲侯門

醒聞檜

解洗餘醒晨半酉星星仙吹起雲門耳根無厭聽佳

木會盡山中寂靜源

寺鐘暝

百緣斗藪無塵土寸地章煌欲布金
重擊蒲牢唵山日冥冥烟樹靚棲禽

砌思步

灑灑古薜繡危石切切陰螿應晚田
心事萬端何處止少夷峰下舊雲泉

奉和藥名離合夏日卽事三首

季春人病拋芳杜仲夏溪波繞壞垣
衣典濁醪身倚

桂心中無事到雲昏

數曲急溪衝細竹葉舟來往盡能通
草香石冷無辭遠志在天台一遇中

桂葉似茸含露紫葛花如綬蘸溪黃
連雲更入幽深地骨錄間攜相獵郎

懷錫山藥名離合二首

暗竇養泉容泱泱明圍護桂放亭亭
歷山居處當天半夏裏松風盡足聽

曉景半和山氣白薇香清淨雜織雲
實頭自是眠平

石腦側空林看鹿羣

懷鹿門縣名離合二首

山瘦更培秋後桂溪澄間數晚來魚臺前過雁盈千
百泉石無情不寄書

十里松蘿陰亂石門前幽事雨來新野霜濃處憐殘
菊潭上花開不見人

奉和寒日古人名一絕

北顧歡游悲沈宋

梁武改
為北顧

南徐陵寢歎齊梁水邊韶

景無窮柳寒被江淹一半黃

胥口卽事六言二首

波光杳杳不極霽景澹澹初斜黑蛺蝶粘蓮葉紅蜻
蜓裊菱花鴛鴦一處兩處舴艋三家五家會把酒船
隈荻共君作去聲箇生涯

拂釣清風細麗飄蓑暑雨霏微湖雲欲散未散嶼鳥
將飛不飛換酒幘頭怕看載蓮艇子撐歸斯人到死
還樂誰道剛須用機

奉和風人詩三首

刻石書離恨因成別後悲莫言春蠶薄猶有萬重思

其二

鏤出容刀飾親逢巧笑難日中騷客珮爭柰即闌干

其三

江上秋聲起從來浪得名逆風猶挂席苦不會帆情

寄題天台國清寺齊梁體

十里松門國清路飯猿臺上菩提樹怪來烟雨落晴
天元是海風吹瀑布

寒夜聯句

靜境揖神凝寒華射林缺龜蒙清知思緒斷爽覺心源

澈日休高唱憂金奏朗詠鏗玉節龜蒙我思方沈寥君詞

復淒切日休况聞風篁上擺落殘凍雪龜蒙寂爾萬籟清

皎然諸靄滅日休西窓客無夢南浦波應結龜蒙河光正

如劍月魄方似玦日休短燼不禁挑冷毫看欲折龜蒙何

夕重相期濁醪還為設日休

開元寺樓看雨聯句

海上風雨來掀轟雜飛電登樓一凭檻滿眼蛟龍戰

龜蒙須臾造化慘倏忽堪輿變萬戶響戈鋌千家披組

練日休羣飛拋輪石雜下攻城箭點急似摧胸行斜如

中面龜細灑魂空冷橫飄目能眩垂簷珂珮喧撮瓦

璣珠濺日無言九陔遠瞬息馳應徧密處正垂緝微

時又懸綫龜寫作玉界破吹為羽林旋翻傷列缺勞

卻怕豐隆倦日遙瞻山露色漸覺雲成片遠樹欲鳴

蟬深簷尚藏燕龜殘雷隱鱗盡反照依微見天光縈

似磨湖彩熟於練日疎帆逗前渚晚磬分涼殿接思

強揮毫窺詞幾焚硯龜佶栗烏皮几輕明白羽扇畢

景好踈吟餘涼可清宴日君攜下高登僧引還深院

駸蘇淨鋪筵低松濕垂鬚龜齋明乍虛豁林霽逾葱

倩早晚重登臨欲去多離戀日

北禪院避暑聯句院昔為戴顓宅後司勳陸郎中居之

歎蒸何處避來入戴顓宅逍遙脫單絃放曠拋輕策

爬搔林下風偃仰澗中石日殘蟬烟外響野鶴沙中

跡到此失煩襟蕭然揖禪伯藤懸疊霜蛻桂倚支雲

錫龜清陰豎毛髮爽氣舒筋脉逐幽隨竹書選勝鋪

苜席魚跳上紫芡蝶化綠青壁日心是玉蓮徒耳為

金磬敵吾宗昔高尚志在羲皇易豈獨斷韋編幾將

利鐵擿龜天書既屢降野抱難自適一入承明廬盱

衡論今昔流光不容寸斯道甘枉尺日既起謝儒玄

亦翻商羽翼封章帷幄編夢寐江湖日擺落函谷塵

高歌華陽憤龜詔去雲無信歸來鶴相識半病奪牛

公全慵捕魚客少微光一點落此芒磔索日釋子問

池塘門人廢幽蹟堪悲東序寶忽變西方籍不見步

兵詩空懷康樂展龜高名不可効勝境徒堪惜墨沼

轉踈蕪玄齋踰閬寂遲遲不能去涼颼滿杉柏日

下洲島清烟生苾芻碧俱懷出塵想共有吟詩癖終

與淨名遊還來雪山覓龜

獨在開元寺避暑頗懷魯望因飛筆聯句

煩暑雖難避僧家自有期泉甘於馬乳苔滑似龍漿

日任誕襟全散臨幽榻旋移松行將雅拜篁陣欲交

麾龜望塔青髻識登樓白鴿知石經森欲動珠像儼

將怡筒簟臨杉穗紗巾透雨絲靜譚蟬噪少涼步鶴

隨遲日烟重廻蕉扇風輕拂桂幃對碑吳地說開卷

梵天詞積水魚梁壞殘花病枕歆懷君瀟灑處孤夢

繞梁愚龜

寂上人院聯句

瘦牀空默坐清景不知斜暗數菩提子閒看薜荔花

日有情唯墨客無語是禪家背日聊依桂嘗泉欲試

茶龜石形蹲玉虎池影閃金蛇經笥安巖區鉞囊挂

樹日極日經傳滄浪外龕寄白雲涯竹色寒凌箔燈光

靜隔紗龜起幽翻小品逐勝講南華莎彩融黃露蓮

衣染素霞日水堪傷聚沫風合落天葩若許傳心印

何辭古堞賒龜

藥名聯句

為待防風餅須添蕙苡杯張香燃柏子後罇泛菊花

來日石耳泉能洗垣衣雨為裁龜從容犀局靜斷續

玉琴哀貢白芷寒猶採青箱醉尚開日馬銜衰草臥

烏啄蠹根迴龜雨過蘭芳好霜多桂未摧貢朱兒應

乍粉雲母詎成灰日藝可屠龍膽家曾近鷺胎龜墻

高牽薜荔障軟撼玫瑰貢鷓鼠啼書戶蝸牛上硯臺

日誰能將藁本封與玉泉才龜

寒夜文宴聯句

文星今夜聚應在斗牛間日載石人方至乘槎客未

還貢送觴繁露曲徵句白雲顏龜節奏唯聽竹從容

只話山日休理窮傾秘藏論猛折玄關賁鄙酒分中綠

巴戕孽處殷龜蒙清言聞後醒強韻壓來閒日休犀柄當

風揖瓊枝向月攀賁松吟方際際泉夢憶潺潺龜蒙一

會文章草昭明不可刪日休

報恩寺南池聯句

古岸涵碧落龜蒙虛軒明素波坐來魚陣變日休吟久菊

多秋草分杉露嵩起危橋下竹坡遠峰青髻並龜蒙

髯和趙論寒仍講日休支硎僻亦過齋心曾養鶴嵩起

揮翰好邀鵝南峰院即故相國裴公書額倚石收奇藥龜蒙臨溪藉

淺莎桂花晴似拭日休荷鏡曉如磨翠出牛頭聳嵩起苔

深馬跡跛石上有支公馬跡傘欹從野醉龜蒙巾側任五歌肥

阿松形矮日休般跚檜樾矧香飛僧印火嵩起泉急使鑣

珂凌鈿真堪帖龜蒙尊絲亦好拖幾時無一事日休相伴

著烟蘿嵩起

夜會問答十首

寒夜清日休問魯望簾外迢迢星斗明况有蕭閒洞中客

吟為紫鳳呼皇聲時華陽廣文先生

瘦木杯龜蒙問杉贅楠瘤剝得來莫怪家人畔邊笑

渠心祇愛黃金罍

落霞琴

日休問
潤卿

寥寥山水揚清音玉皇仙馭碧雲遠

空使松風終日吟

蓮花燭

黃問
襲美

亭亭嫩葉生紅玉不知含淚怨何人欲

問無由得心曲

金火障

日休問
魯望

紅獸飛光射羅幌夜來斜展掩深爐

半睡芙蓉香蕩漾

憶山月

龜蒙問
潤卿

前溪後溪清復絕看看又是桂花時

空記子規啼處血

錦鯨薦

黃問
襲美

碧香紅膩承君宴幾度閒眠卻覺來彩

鱗飛出雲濤面

懷溪雲

日休問
魯望

漠漠聞籠鷗鷺羣有時日暮碧將合

還被漁舟來觸分

霜中笛

龜蒙問
襲美

落梅一曲瑤華滴不知青女是何人

三奏未終頭已白

月下橋

日休問
魯望

風外拂殘衰柳條倚闌于處獨自立

青翰何人吹玉簫



傳言言

卷八

唐皮從事倡訓詩卷第八終



